

BATAKURU YUUHANNA DIMMURU NDUN

¹ Salminaango an min oo ardotooɗo, haa e oo suddiido subaado tedduɗo e faybe mun,^a mo mi yidi e nder goonga, mo tawata non hinaa min tun yidi ɗun, kono ko kala anduɗo goonga on, ² sabu goonga wondo e men on, ɗun ko on goonga wonoowo e men haa poomaa.

³ Moyyere e yurmeende e buttu wonay e men immorde e Alla Baabaajo on e Iisaa Almasiihu on, ɗun ko Bidɗo Baabaajo on, e nder goonga e giggol.

⁴ Mi weltike fota ko mi tawi kon woɓbe e faybe maa ben no jokki laawol goonga on, wano Baabaajo on yamiriri en non. ⁵ Jooni non, an oo suddiido tedduɗo, koo ko mi wonu-maa windande hinaa yamiroore heyre, kono ko ndee nde hebunoden gila ka fudɗoode mi tori-maa, ɗun ko yo en yidindir. ⁶ Awa e hino ko woni giggol kon: ko jokkugol yamirooje makko ɗen. E hino yamiroore nde anduɗon gila ka fudɗoode nden: ko yo on wuuru e nder giggol.

⁷ Ko fii ɗaynoobe ɗuudube naatii e nder aduna on, be jabaali wonde Iisaa Almasiihu on wontuno neɗɗo o ari ka aduna. Ko bee woni ɗaynoobe e liddotoobe Almasiihu on ben. ⁸ Awa, reenee onon tigi, fii wota battane golle men ɗen

^a **1:1** 1.1 No sikkaa wonde «oo suddiido subaado tedduɗo» no firi moftal gomɗinbe wonbe nokku goo. «Faybe ben» no firi yimbe moftal ngal.

bonu, kono fii yo on hebu njoddi heewundi. ⁹ Kala feyyitudo jannde *Almasiihu on, ronki humaade e mayre, haray on wonaa humondirɗo e Alla. Kala non tabitudo e nden jannde, haray no humondiri e Baaba on e Bidɗo on. ¹⁰ On mo ari e mon, addoraali nden jannde, wota on wernu mo ka suudu mon, awa kadi wota on hiwro mo. ¹¹ Ko fii kala on hiwriido mo, haray tawdaama e kuude makko bonde den.

¹² Midɗo mari buy ko mi windana on, kono mi yidaali windirde ɗun ndaha e kaydi. Kono non midɗo tanyinii yahugol ka mon, mi yewtira on hunduko, fii no weltaare men nden timmira.

¹³ Fayɗe jaaja maa suɗaado on salminii ma.

Version Pular Fuuta-Jallon
The New Testament in the Fouta-Jallon Pular
language of Guinea

copyright © 2010 Pioneer Bible Translators

Language: Pular

Translation by: Traducteurs Pionniers de la Bible

Contributor: Pioneer Bible Translators

This translation, published by Pioneer Bible Translators, was published in 2011.

If you are interested in obtaining a printed copy, please contact wab.admin@pbt.org.

The translation was completed in collaboration with Christian Reformed World Mission.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 11 Nov 2022 from source files dated 29 Jan 2022

024b8126-79ef-5039-bc54-7d61889f8ae6